

**Ọkwukwo izi Pọlu  
gbaznennu  
Ele Galasia  
Nhne gbasiri ọkwukwo izi ka**

Hite n'ọpanizo ọkwukwo izi Pọlu gbaznennu ọgbako Chiokike ke zị nụ Galasia, o mernu be mahia nhne lawuru ke zị mkpa. Ke mbom, bu ma be mahia nụ ọ bu ezi nye izi Karaịsi, ke ẹbo bu nụ izi ọma ọ nọokpo okwo a bu ezi ọka. Ka bu kwnornu nụ agida ele badnụ naakaa nụ Pọlu bu nye izi aghalaghala nụ nye nọokpo okwo izi ọma aghalaghala.

Pọlu bu nye izi Karaịsi n'ezi ọka, nye Nyenwe aị nyernu ẹrnu o zni ele buo ele Ju izi ọma. Pọlu kannu Pita nụ ọ bu nye ruwhnu lawuru, kwnornu nụ o kwemana o snornu ele buo ele Ju ele zá naabita Iwu Mozizi ri wiri nga ọ whnurnu ele hi nụ Jeruselem va.

Pọlu kwusiri a rikne nụ okwolem hite n'ọkwnata mkpoma nhne Chiokike jeeji znohia badnụ. Ka whuyaru iwhne nụ budnu Ebereham, nye nahiaru mkwna Chiokike hite n'ọkwnata mkpoma.

**Nhne zị n'ọkwukwo izi ka**

Ezi nye izi nụ ezi izi ọma (1:1-10)

Chiokike hohiaru Pọlu lele nye izi Karaịsi (1:11-24)

Pọlu naagbanu izi ọma akebne (2:1-21)

Ọznohia kwolem hite n'ọkwnata mkpoma (3:1---4:31)

Ele Enine Nso nụ ọwhnun'anya noodu (5:1---6:10)

Ọdo aka nụ nsni ipne-aznu (6:11-18)

<sup>1</sup> Mawa, Pọlu, nye izi Karaịsi ke híge n'aka badnu mọbu nu rikne ke badnu, kọvu hite nu Jizọsi Karaịsi nu Chiokike Nda, nye mernu Jizọsi hi n'enuwụ lizọ, <sup>2</sup> nu kpakara ụmu nda ele me nu be zi naagbaz-nenu kpakara ọgbako Chiokike ke zi nu Galasia ọkwukwo.

<sup>3</sup> Oru nu udno ke Chiokike Nda a nu ke hi n'aka Nyenwe a Jizọsi Karaịsi dazinu anu. <sup>4</sup> Karaịsi gweru budnu a nyee kwnornu mmehie a ma o dọhia a n'ige ojo ka lele kpa echiche Chiokike Nda a piuru. <sup>5</sup> Ọzarni zinu a ọkwukokwunu. Amim.

### *Izi ọma berere zila*

<sup>6</sup> Ọ gbagwojiri m anya nu anu ghasaru nye wam sukwuru anu bna n'oru ke Karaịsi, zne izi ọma berere. <sup>7</sup> N'ezi, izi ọma berere zila, kọvu agwna ele badnu naakpahie anu anya, noopio o gbanwo izi ọma Karaịsi. <sup>8</sup> Kọvu o buru a mọbu enine izi hi n'oligwe va zni anu izi ọma berere ke buo ke a znirni anu, Chiokike vu a onu ọkwukokwunu. <sup>9</sup> Lele kpa a kwuru nu mbom, m nookwu kwno a berere, o buru nu nye obula zni anu izi ọma ke zi ichne nu ke anu naharu, Chiokike vu a onu ọkwukokwunu.

<sup>10</sup> Ka o negesi nu m noopio ruwhnu ọma ke badnu, buo ke Chiokike? M noopio nhne jaamasị badnu sa? O buru nu m noopio ruwhnu ọma ke badnu, m jọbu nye izi Karaịsi.

### *Chiokike sukwuru Pọlu*

<sup>11</sup> Me kanu anu, ụmu nda m, izi ọma me nookpo okwo a buo nhne hi n'aka badnu. <sup>12</sup> M nahige m a n'aka badnu, o buo badnu znirni m a, kọvu Jizọsi Karaịsi kpumernu a nyee m.

13 Anụ nūrnụ kpa me wuru bụdnụ nū mbòm n'okpukpe ele Ju, nū kpa me kpaknarnū ọgbako Chiokike ẹhni k'agịda, gbalị ma o whu. 14 M be m ele Ju ibne m ọsno ele me nū be bụ ebiri n'okpukpe ele Ju, m ji m kpakara mkpoma yisi n'omen'eli ele nda aị ọknani. 15 Kọvu Chiokike bịtaru m ichne hite nū ruwhu nne m, o sukwuru m hite n'oru a. Nga ọ masịri a, 16 o kpumennu m Nnwọ a, ma m nwernu m rikne zni ele bụo ele Ju izi ọma gbasịri a. Ige wam, m znége ma me nū badnū ọbula tñu ọtnutnu gbasịri a. 17 M znége m Jeruselem zne ọ whnū ele be m ọsno bụru ele izi, kọvu m znernu m Arebija, m lahna Damasikos.

18 Nga awha ẹto whemernu, m znernu m Jeruselem zne mahija Pita, me nū a daziri nri nū ọbochi isne. 19 M whnúge m nye izi berere okwolem Jemisi nwene Nyenwe aị Jizosi. 20 Nhne me gbannū anụ n'okwukwo bụ ezi ọka, Chiokike magwū nū ọ bụo aghalaghala. 21 Omekwo, m zne n'eli ke zị nū rime Siriya nū Silisia. 22 Ọ zá nye Karaisi ke zị nū ọgbako Chiokike ke zị nū Judiya magwū nye me bụ ruwhnu nū ruwhnu. 23 Kọvu nū be nūrnụ ọtnutnu, “Nye wam ke naakpakna aị ẹhni neezni izi ọma ọkwnata mkpoma wam ọ gbaliri o mee ma o whu nū mbòm.” 24 Be znarni Chiokike kwnornu m.

## 2

### *Ele izi berere nabnanyarnū Pọlu*

1 Nga nri nū awha ẹno whemernu, m lahna m Jeruselem, me nū Banabasi, m kwuru Tajitosi zne.  
2 M znernu m kwnornu nū Chiokike kpumennu m

me zne. N'iznuznu ke me n̄u ele risi gbarū ichne, m k̄owaru m izi ọma me znirni ele b̄uo ele Ju, ọ z̄i ẹrnu me rn̄urnu m̄obu ke me n̄ornu k̄itna b̄o b̄u nhne etekne. <sup>3</sup> Taitosi nye me n̄u a sno, ọ b̄u n'ezi n̄u ọ b̄u nye Giriki, be kwnágidnene a ọ kpa nka. <sup>4</sup> Agwna r̄umu nda aghalaghala gbebnar̄nu va o nyosna kpa a jiri nwernu ẹhni āi n̄u rime Karaisi Jizosi, be pioru ma a b̄uru ọhi iwu ele Ju. <sup>5</sup> A nyége be oghere r̄ia r̄ia ma a b̄itannu an̄u ezi ọka ke izi ọma ch̄im ch̄im.

<sup>6</sup> Agwna ele n̄u lele be b̄u ele risi. Nhne ọbula be b̄u zá m mkpa, kwnornu n̄u Chiokike lé badn̄u anya n̄u ruwhnu n'ikpe. Ọ zá nhne ele ka t̄ukwasiri n̄u izi me znirni. <sup>7</sup> K̄ovu be whn̄urnu n̄u Chiokike nyernu m izi ọma me zni ele b̄uo ele Ju, lele kpa o nyernu Pita ẹrnu o zni ele Ju izi ọma. <sup>8</sup> Chiokike wam ke n̄ornu ẹrnu n'izi ọma Pita znirni ele Ju lele nye izi, b̄u masi nye n̄ornu ẹrnu n'izi ọma me znirni ele b̄uo ele Ju lele nye izi. <sup>9</sup> Nga Jemisi n̄u Pita n̄u J̄oni, ele n̄u lele ele risi whn̄urnu n̄u Chiokike nyernu m ẹrnu ka z̄i ichne, be gbas̄iri me n̄u Banabas̄i akarikwnunga ke neegesi n̄u a b̄u otu. Be kweru a zne zni ele b̄uo ele Ju izi ọma, be zne zni ele Ju izi ọma. <sup>10</sup> Nhne be n̄orio kp̄oi b̄u, a chenwanya ele mboni, k̄i b̄u nhne me mernu wara.

### *P̄olu bigb̄oru Pita n'Antioku*

<sup>11</sup> Nga Pita vaduru Antioku, m bigb̄oru m a n̄u ruwhnu ọhna kwnornu n̄u ọ dnahieru. <sup>12</sup> S̄u ele Jemisi ziyaru va, Pita n̄u ele b̄uo ele Ju neeriko wiri. K̄ovu nga be vaduru, o kwéle o sno be ri wiri, kwnornu n̄u ogwnu ele be kparū nka t̄uru a. <sup>13</sup> Ele

Ju ke gwnarnu snornu a kpa ichne ichne kwnornu nu ruwhnu lawuru a, ke kpayaru Banabasi sno be nu ruwhnu lawuru be.

<sup>14</sup> Nga me whnuru nu be mene lele ezi oka ke izi oma, m kanu Pita nu ruwhnu kpakara be, “I bu nye Ju, kovu i noowu budnu lele ele buo ele Ju, o buo lele nye Ju. Ndaa kpa i naakwnagidne ele buo ele Ju be snornu omen’eli ele Ju?”

### *Oznohia bu hite n'oru*

<sup>15</sup> N'ezi, a bu ele Ju hite n'omumu ai, a buo ele mmehie lele kpa be nookwu ele buo ele Ju. <sup>16</sup> Kovu a magwu nu badnu nu Chiokike mernu udno hite n'okwnata mkpoma nu Jizosi Karaisi, o buo n'ome nhne iwu kwuru. A kweru nu Karaisi Jizosi ma ai nu Chiokike ziri n'udno hite n'okwnata mkpoma nu Karaisi. O buo n'ome nhne iwu kwuru, kwnornu nu o za nye obula bu nye oma hite n'ome nhne iwu kwuru.

<sup>17</sup> O buru nu nga a noopio ma ai nu Karaisi ziri n'udno, a whnu ehni ai nu a bu ele mmehie lele ele berere, ka o neegesi nu Karaisi naadasi mmehie n'ikwnu? Chiokike kwe. <sup>18</sup> O buru nu me panizo noowu nhne me kwnadnarnu akwnadna, ka neegesi nu m bu m nye noolulu iwu. <sup>19</sup> Kwnornu nu hite n'iwu m nwuru enwu hne iwu zi, ma m ziri m budnu nu rime Chiokike. <sup>20</sup> Be gweru m yisinu Karaisi kpo gidne ai n'olu ogba a, m za m budnu ke m, kovu Karaisi wu nu rime m. Budnu ke me zi n'an-ehni bu ke me zi n'okwnata mkpoma ke Nnwọ Chiokike, nye whnuru m n'anya gweru budnu a nyee kwnornu m. <sup>21</sup> M za m neelewhu oru Chiokike anya, kwnornu nu o buru nu ome

mma bụ hite n'iwu, ẹnwu Karaịsi nwurnu bụ nhne etekne.

### 3

*Iwu mọbu ọkwnata  
mkpọma*

<sup>1</sup> Anụ ele Galasia iwhnirniwhno, nyele kpahieru anụ anya? Nụ ruwhnu anụ bụ hne me gesiri anụ nụ be kpogburu Jizọsi Karaịsi n'ogba. <sup>2</sup> M pioru m ọ mahia otu nhne n'aka anụ. Anụ nahiaru Enine Nso hite n'ome nhne iwu kwuru, sobu hite n'okweru nhne anụ nurnu? <sup>3</sup> Anụ bụ ele iwhnirniwhno kpa? Anụ panizoru n'Enine ke Chiokike, anụ naagbalị o wu budnu kitna hite nụ rikne ke aka anụ? <sup>4</sup> Kpakara awhnụwhnu anụ taru ọ bụ nhne etekne? N'ezi, ọ bụ kwnornu nụ nhne etekne? <sup>5</sup> Chiokike nyernu anụ Enine a, rnụ ẹnru ndu-ẹhni n'esilawuru anụ. O bụ kwnornu nụ anụ mernu nhne iwu kwuru sobu nụ anụ kweru nhne anụ nurnu? <sup>6</sup> Lele kpa Ebereham “kweruru Chiokike, Chiokike gwnụsinu a nụ ọ bụ nye mee mma.” <sup>7</sup> Anụ mahia nụ kpakara ele nwernu ọkwnata mkpọma bụ rumu Ebereham. <sup>8</sup> Ọkwukwo nsọ kwuru nụ hne zị nụ ruwhnu nụ Chiokike jeeme ma ya nụ ele bụo ele Ju ziri n'udno hite n'ọkwnata mkpọma, znirni Ebereham izi ọma, kaa, “Hite nụ rime i, m jọgozi kpakara mba ke ọwa.” <sup>9</sup> A whnurnu nụ Chiokike nọgozi kpakara ele ke jeekweru lele kpa Chiokike gọziri Ebereham, nye kweru nụ ya.

<sup>10</sup> Ọvu ọnu zinu kpakara ele neech e nụ Chiokike jọogwnu be lele ele ikpe mana kwnornu nụ be naabita Iwu. Be gbarụ a n'ọkwukwo nsọ, kaa, “Ọvu

onu zĩnu kpakara ele z

ibno. <sup>20</sup> Nye ibno zá mkpa hne otu badnu zì, Chiokike bu otu.

<sup>21</sup> Ka o neegesi nu iwu megidnenu mkwna Chiokike? Óza rja rja! Kwnornu nu o buru nu be nyernu iwu ke jeenye budnu, ome mma joburu hite n'iwu. <sup>22</sup> Kovu okwukwo nsò kwuru nu kpakara owa bu ohi mmehie, ma nhne Chiokike kweru mkwna o nyee hite n'okwnata mkpoma nu Jizosi Karaísi buru ke ele kweru ekwe.

<sup>23</sup> Tutu su okwnata mkpoma varu, a bu ele ikelu ke iwu, be gbagidnenu ai onuhna du nga be kpumernu okwnata mkpoma. <sup>24</sup> Iwu wam bu nye neelegidne ai anya, kwuru ai vakwnusi Karaísi, ma ai nu Chiokike ziri n'udno hite n'okwnata mkpoma. <sup>25</sup> Kpa okwnata mkpoma varu, a zima nu mkpururu nye neelegidne ai anya, ke bu iwu.

### *A bu rumu Chiokike*

<sup>26</sup> Kpakara anu bu rumu Chiokike hite n'okwnata mkpoma nu Karaísi Jizosi. <sup>27</sup> Kpakara anu ele be wuru mini bna nu Karaísi jooworu budnu ikne Karaísi lele iwo. <sup>28</sup> O zá nhne zì ichne nu hne nye Ju nu nye Giriki zì, mọbu hne ohi nu nye buo ohi zì, mọbu hne nyerukna nu nyerinya zì. Kpakara anu bu otu nu rime Karaísi Jizosi. <sup>29</sup> O buru nu anu bu ele Karaísi, anu bu rumu Ebereham, ele jeekehia mkwna wam Chiokike kweru Ebereham.

## 4

<sup>1</sup> Nhne me nookwu bu koriri ka, nye obula ke jeeri mkpe nda a hne o bu watakiri, o zá nhne zì ichne hne ya nu nye ohi zì, o bu n'ezi nu ya nwe kpakara nhne. <sup>2</sup> Ele berere jaazi neelegidne a anya, neezni a nhne, tem du ige nda a karu.



<sup>3</sup> Kpam masị, nga a bu rụmu takiri, a bu ohi renwu ojo matị matị ke owa. <sup>4</sup> Kọvu nga ige dūru, Chiokike ziyaru Nnwọ a, nye nyerinya mụrnu nụ mkpururu Iwu Mozizi, <sup>5</sup> ma o gbahia ele zị nụ mkpururu iwu, ma a bụru rụmu Chiokike. <sup>6</sup> Kwnornu nụ anụ bu rụmu a, Chiokike ziyaru Enine Nnwọ a nụ rime mkpoma aị, Enine ke naakwna, “Papa, Nda m.” <sup>7</sup> Kam kpayaru i buma ohi, kovu nnwọ, hne i bu nnwọ, Chiokike mernu i bụru nye jeeri mkpe a.

*Nhne meturu Pọlu  
nụ mkpoma*

<sup>8</sup> Nụ mbom, nga anụ máa Chiokike, anụ bu ohi nhne búo chi. <sup>9</sup> Kọvu kịtna, anụ magwu Chiokike, mọbu Chiokike magwu anụ. Ndaa kpa anụ jaalah-nakwnusi renwu ojo matị matị ke nwée rikne, o zá nhne be ji be neeme? Kịni kpayaru anụ jọoburu kwno ohi be berere? <sup>10</sup> Kịni kpayaru anụ naabita obochi zị ichne, ma enwa, ma ige nụ awha? <sup>11</sup> Ogwnu anụ nọtụ m. O jọobu nụ ẹrnu m nụ risi anụ bu nhne etekne sa?

<sup>12</sup> Rụmu nda m, m naariasno anụ, anụ nụ lele me, m nụ m lele anụ ele búo ele Ju. O zá nhne ojo obula anụ mernu m nga me znirni anụ izi oma nụ mbom. <sup>13</sup> Anụ chenwanya o bu ẹhni igbugbu mernu me daziri zni anụ izi oma nụ mbom. <sup>14</sup> O bu n'ezi nụ ẹhni igbugbu m bunnu anụ nhne ọrnurna, anụ lédnagē m anya mọbu zusa m. Kọvu anụ kwub-nanyarnu m lele nụ m bu m enine izi Chiokike, lele nụ m bu m Karaịsi Jizọsi n'iwhuru a. <sup>15</sup> Kịni mernu ovu ọso n'onu ke anụ nwernu nụ mbom? M jaagbanu anụ akebne, o bụru nụ o kweru o mee, anụ znernu ahnahia mkpuru anya anụ lawuru

chịta m be. <sup>16</sup> M ghọla nye irno anụ kwnornu nụ m kannụ m anụ ezi ọka sa?

<sup>17</sup> Kpakara ele neegesi nụ nhne gbasiri anụ neemetu be nụ mkpoma, be zá neeme a kwnornu nhne oma anụ. Nhne be noopio bu ma be gweme anụ hne a zi, ma anụ menu be kpa be neemenu anụ. <sup>18</sup> O buru oma o gweru mkpoma anụ neeme nhne buru oma ige obula, o buo nga me nụ anụ zi kpoi. <sup>19</sup> Rumu takiri m, ele rime neeme m kwnornu be lele kpa rime neeme nyerinya noomu nnwo. M zi m nụ nhne igbugbu ka tem oiyi Karaisi ziri nụ rime anụ. <sup>20</sup> O kanu m mma o buru nụ me nụ anụ zi kitna, m zernu m amahia kpa me zernu obita onu kwunu anụ oka. Kwnornu nụ mkpoma naala m mini hne anụ zi.

### *Haga nụ Sera*

<sup>21</sup> Anụ kanu m, anụ ele noopio o zi nụ mkpururu iwu, anụ máa nhne iwu wam kwuru? <sup>22</sup> Kwnornu nụ be gbarụ a n'okwukwo nsọ, kaa nụ Ebereham nwernu rumu rukna lawuru, nnwerne ohi murnu otu, nnwerne ke buo ohi murnu ke berere. <sup>23</sup> Nnwọ ke nnwerne ohi murnu bu ke o murnu kpa be murnu ele berere. Kovu nnwọ ke nnwerne ke buo ohi murnu bu nnwọ Chiokike kweru mkwna a.

<sup>24</sup> Ka bu nhne oma atụ, ele rinya lawuru ka bu ogba-njo-ehni lawuru. Otu bu Haga, ke hi nụ rugwu Saina, nye rumu a bu ele ohi. <sup>25</sup> Haga nụ lele rugwu Saina ke zi nụ Arabia, o nụ kwno lele eli Jeruselem tna, ke ya nụ kpakara rumu a bu ohi nụ mkpururu iwu. <sup>26</sup> Kovu Jeruselem ke zi n'olu buo ohi, o bu nne a. <sup>27</sup> Kwnornu nụ be gbarụ a n'okwukwo nsọ, kaa, “Nwudna, ji nyerinya ke nwée nnwọ,

jì nye múge nnwọ,  
 gweru okne nkọli siwama lulo, mkpoma so ì n'ọnu,  
 jì nye rime nnwọ mélele,  
 kwnornu nụ nyerinya ke be ghasarụ jeenwe agida  
 rụmu,  
 kakwo nyerinya ke nwernu nzi.”

<sup>28</sup> Kịta, rụmu nda m, lele Aziki, anụ bụ rụmu  
 Chiokike kweru nụ mkwna. <sup>29</sup> N'ige wam, nnwọ  
 wam be mụrnu lele kpa be mụrnu ele berere kpak-  
 narnụ nnwọ wam be mụrnu hite nụ rikne Enine  
 ẹhni. Ọ zị kọriri kpam kịta.

<sup>30</sup> Kọvu kịni bụ nhne ọkwukwo nsọ kwuru?  
 “Chihala ọhi nyerinya wam nụ nnwọ a, kwnornu  
 nụ nnwọ nnwerne ọhi nụ nnwọ nnwerne ke bụo  
 ọhi jéeri otu mkpe.” <sup>31</sup> Ke bụ nụ, rụmu nda m, a  
 bụo rụmu nnwerne ọhi, kọvu a bụ rụmu nnwerne  
 ke bụo ọhi.

## 5

### *A nwernu ẹhni aị nụ rime Karaịsi*

<sup>1</sup> Karaịsi mernu a nwernu ẹhni aị. Kam kpayarụ,  
 anụ gwuzosi rikne, anụ kwé anụ bụru kwno ọhi  
 berere.

<sup>2</sup> Anụ bnote nsni, mawa Pọlu naakanụ anụ, anụ  
 kwé be kpa anụ nka, kwnornu nụ anụ mee kpam,  
 ọ zá mbnarna Karaịsi bnannụ anụ rịa rịa. <sup>3</sup> Me kwu  
 kwno a berere, nye ọbula ke kweru be kpa a nka  
 jaabitariri kpakara iwu. <sup>4</sup> Anụ ele noopio be nụ  
 Chiokike ziri n'udno hite n'iwu, anụ kewahalaru  
 ẹhni anụ hne Karaịsi zị. Anụ zima n'oru Chiokike.  
<sup>5</sup> Kọvu a neele anya nụ aị nụ Chiokike jaazị n'udno  
 hite n'ọkwnata ovu. Ka bụ nhne a neese hite

n'Enine. <sup>6</sup> Kwnornu nū rime Karaṣi Jizṣi, ọ zá nhne zì ichne nū ọkpa nka nū ọkpáge nka, kṣvu ọkwnata ovu aṣ ke nṣornu ẹrnu n'ọwhnun'anya bụ nhne zì mkpa.

<sup>7</sup> Anụ neemekwa nkari nū mbom, nyele kpahieru anụ anya, kaa, anụ bnó nsnì nhne ezi ọka nookwu? <sup>8</sup> Nhne nū kpa híge n'aka nye wam sukwuru anụ. <sup>9</sup> “Nhne whụ brẹdi matì neeme kpakara brẹdi whụ ọwhu.” <sup>10</sup> M tṣkwasiri m Nyenwe aṣ mkpoma nū anụ jéekwe anya hie anụ, anụ mee nhne berere. Kṣvu nye ọbula ke naakpakna anụ ẹhni jeeri nhne ọ kpasiri, nye ọ masiri a ọ bṣru. <sup>11</sup> Rṣmu nda m, ọ bṣru nū m zì kṣriri m neezni nū ọkpa nka zì mkpa, kṣni kpayarṣ be naakpakna m ẹhni? Ọ bṣru nū m zì m nookwu nū ọkpa nka zì mkpa, izi gbasiri ọgba Karaṣi jṣoburu rugwu ọkpobi ọchi. <sup>12</sup> Ọ jaamasì m ọ bṣru nū ele wam naakpakna anụ ẹhni jṣowhoga, mee ẹhni be okiri badnṣ.

<sup>13</sup> Rṣmu nda m, Chiokike sukwuru anụ bṣru ele nwernu ẹhni be. Kṣvu anụ kwékwadia ọ nwernu ẹhni anụ mee, anụ mee nhne anṣ-ẹhni anụ noopio. Kṣvu anụ gweru ọwhnun'anya znenu ibne anụ izi. <sup>14</sup> Kpakara nhne be nyernu n'iwu chikotaru risi n'otu nhne ka, “Ijṣowhnu nye agbatibi i n'anya, lele ẹhni i.” <sup>15</sup> Ọ bṣru nū anụ jaazì naatagbu, nṣodoka ibne anụ, anya dṣ anụ ẹli ọ zì anụ gbukwo ẹhni anụ.

### *Anụ kweru Enine nechi anụ*

<sup>16</sup> Nhne me naakaa bṣ ka, anụ wuru bṣdnṣ n'Enine, anụ jéemezu nhne anṣ-ẹhni noopio. <sup>17</sup> Kwnornu nū nhne anṣ-ẹhni noopio neemegidne

nhne Enine Chiokike noopio. Nhne Enine Chiokike noopio neemegidne nhne anọ-ẹhni noopio. Be neemegidne ibne be, anọ gharu o mee nhne anọ noopio. <sup>18</sup> Kọvu, ọ bụru nụ Enine noodu anọ, anọ zá nụ mkpururu iwu.

<sup>19</sup> Ẹrnu ke anọ-ẹhni whuyaru iwihne, ke bụ, ome ọyi, ọgba ikoro, nhne zila richna, <sup>20</sup> ọkwa renwu nụ amusu, irno, ọlu ọgwunu, ọkpa ichne ichne, okwno-awuwa, ọnuma, aka-nchni, ọbna otu, <sup>21</sup> ọwho-anya, okne manya, okne otne eri, nụ nhne nụ kpa. Ka bụ nhne me nọdọ anọ aka nụ nsni kitna, lele kpa me dọru anọ nụ mbom, kaa nụ ele neeme nhne nụ kpa, jeekehia igwe n'eli-eze Chiokike.

<sup>22</sup> Kọvu mkpuru ke Enine neegweya bụ ọwhnun'anya, snarnima, udno, ndidi, ovu ọma, ọburu ọma, okwesi ọkwnata mkpoma, <sup>23</sup> ọzi wohnernerne, badnu nwukwaru ẹhni a, ọ zá iwu ke megidnernu nhne nụ kpa. <sup>24</sup> Ele ke Karaisi Jizosi bụ ele gweru anọ-ẹhni be nụ nhne nọogwnu be kpogidne n'olu ọgba. <sup>25</sup> Ọ bụru nụ a zi budnu nụ rime Enine, ngwa ma a zne izne nụ rime Enine. <sup>26</sup> Ngwa ma a gharu oknomokno, gharu naakpasu ibne aị ovu owe ẹhni, gharu enwe ọwho-anya hne ibne aị zi.

## 6

### *A vurita ivu ibne aị*

<sup>1</sup> Rumu nda m, ọ bụru nụ badnu ọbula mee mmehie, anọ ele gwuzosiri rikne nụ rime enine gweru wohnernerne znikwata a nkari. Anya du masi anọ eli, ọ zi anọ dnabna n'ornurna. <sup>2</sup> Anọ vurita ivu ibne anọ. Ọ bụru nụ anọ neeme kpam,

anụ jeemezu iwu Karaịsi. <sup>3</sup> Ọ bụru nụ badnụ ọbula neech e nụ ọ bụ nhne nga ọ zá nhne ọ bụ, o nooduw hu ẹhni a. <sup>4</sup> Nye ọbula tule ẹrnu a, ige wam, o jeenwe rikne mee oknomokno n'ẹrnu a. Ọ zá nye ji ẹrnu a tų n'ẹrnu nye berere, <sup>5</sup> kwnornu nụ nye ọbula jọornu ẹrnu zinu a.

<sup>6</sup> Nye ọbula be znirni izi ọma ke Karaịsi whnụ nụ ya nụ nye znirni a nhne kehjaru nhne bụru ọma.

<sup>7</sup> Anụ dúwhu ẹhni anụ. Kwnornu nụ ọ zá nye jọokpoli Chiokike mgbaị. Mkpuru ọbula badnụ kpasiri bụ nhne ọ jọghoru. <sup>8</sup> Nye ọbula ke kparụ mkpuru n'anọ-ẹhni a, jeehite n'anọ-ẹhni a ghọru ẹnwu, kovu nye kparụ mkpuru n'Enine, jeehi n'Enine a ghọru bụdnụ kwó okwo lele mkpuru.

<sup>9</sup> Anụ kwékọ rikne gwụ anụ n'ome nhne bụru ọma, kwnornu nụ ige vawa nga a jọghoru mkpuru, ọ bụru nụ rikne gwúge aị. <sup>10</sup> Kam kpayarụ, lele kpa a nwernu oghere, a ziri neemenu kpakara ele badnụ nhne bụru ọma, ke kakwo, ele zị n'ezi-nụ-oro ke ọkwnata mkpọma.

### *Ọdo aka nụ nsni ipne-aznụ*

<sup>11</sup> Kịtna, m ji m aka m naagba ọkwukwo izi. Le kpa mkpuru ọkwukwo me naagba hna ezi.

<sup>12</sup> Ele neeme oknomokno n'anọ-ẹhni bụ ele naakaa be kpa anụ nka. Ka bụ ma be gharụ ọ kpakna be ẹhni kwnornu ẹnwu n'ogba Karaịsi. <sup>13</sup> Ọ bụbedi be ele be kparụ nka zá naabita iwu. Be noopio be kpa anụ nka ma be mee oknomokno nụ nhne zị n'anọ-ẹhni anụ. <sup>14</sup> Chiokike kwékọ me mee oknomokno hne ọ búo n'ogba Nyenwe aị Jizosi Karaịsi, nye be kwnornu ẹhni a kpogidne ọwa n'ogba hne me zị, kpogidne masi m n'ogba hne ọwa zị.

<sup>15</sup> Kwnornu nụ ọkpa nka nụ ọkpáge nka búo nhne. Nhne bú nhne bú búdnu ikne. <sup>16</sup> Udno nụ obirizi zịnu kpakara ele noosno iwu ka nụ búdnu be, be nụ kpakara ele bú Izireli ke Chiokike.

<sup>17</sup> Hite kịtna zne ruwhnu, ọ zá nye kpakna m ẹhni berere, kwnornu nụ m vu m n'ẹhni m ẹnya ke neegesi nụ m bú m nye izi Jizọsi.

<sup>18</sup> Rụmu nda m, oru ke Nyenwe aị Jizọsi Karaịsi dazịnu enine anụ. Amịm.

## **Tesitamenti Ikne n'O<sub>nu</sub> Ikwere** **New Testament in Ikwere**

copyright © 2010 Wycliffe

Language: Ikwere

Translation by: Wycliffe

Ikwere – (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwere people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

### **Copyright Information**

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

### **The New Testament**

in Ikwere

© 2010, The Nigeria Bible Translation Trust.  
**All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.



You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files dated 29 Jan 2022

c17ee3a1-1c7a-5c05-8e0f-5043e8228d89